

तं । ऊं० । स्तो॒ता॒रः । पू॒र्य । यथा । वि॒द । ऋ॒तस्य । गर्भे । ज॒नुषा । पि॒प॒र्त॒न ।
 आ । अस्य । जा॒न॒तः । ना॒म । चि॒त् । वि॒व॒क्त॒न । महः । ते । वि॒ष्णो० । सु॒ऽम॒तिं । भ॒जा॒म॒हे ॥
 तं । अस्य । रा॒जा । व॒रु॒णः । तं । अ॒श्वि॒ना । ऋ॒तुं । स॒च॒न्त । मा॒रु॒तस्य । वे॒ध॒सः ।
 दा॒धा॒र । दक्षं । उ॒त्त॒मं । अ॒हः॒ऽवि॒दं । व्र॒जं । च । वि॒ष्णुः । स॒खि॒ऽवा॒न् । अ॒प॒ऽऊ॒र्णु॒ते ॥
 आ । यः । वि॒वा॒य । स॒च॒था॒य । दै॒व्यः । इं॒द्रा॒य । वि॒ष्णुः । सु॒ऽकृ॒ते । सु॒कृ॒त्त॒रः ।
 वे॒धाः । अ॒जि॒न्व॒त् । त्रि॒ऽस॒ध॒स्थः । आ॒र्ये । ऋ॒तस्य । भा॒गे । य॒ज॒मा॒नं । आ । अ॒भ॒ज॒त् ॥ २६ ॥

१५७

अ॒बो॒धि । अ॒ग्निः । ज॒मः । उ॒त् । ए॒ति । सूर्यः । वि । उ॒षाः । च॒न्द्रा । म॒ही । आ॒वः । अ॒र्चि॒षा ।
 अ॒यु॒क्षा॒तां । अ॒श्वि॒ना । या॒त॒वे । रथं । प्र । अ॒सा॒वी॒त् । दे॒वः । स॒वि॒ता । ज॒ग॒त् । पृथ॒क् ॥
 यत् । यु॒ंजा॒थे० । वृ॒ष॒णं । अ॒श्वि॒ना । रथं । घृ॒ते॒न । नः । म॒धु॒ना । क्ष॒त्रं । उ॒क्ष॒तं ।
 अ॒स्मा॒कं । ब॒लं । पृ॒त॒ना॒सु । जि॒न्व॒तं । व॒यं । ध॒ना । शू॒र॒ऽसा॒ता । भ॒जे॒म॒हि ॥
 अ॒र्वा॒ङ् । त्रि॒ऽच॒क्रः । म॒धु॒ऽवा॒ह॒नः । रथः । जी॒र॒ऽअ॒श्वः । अ॒श्वि॒नोः । या॒तु । सु॒ऽस्तु॒तः ।
 त्रि॒ऽव॒न्धु॒रः । म॒घ॒ऽवा । वि॒श्व॒ऽसौ॒भ॒गः । शं । नः । आ । व॒क्ष॒त् । द्वि॒ऽप॒दे । च॒तुः॒ऽप॒दे ॥
 आ । नः । ऊ॒र्जे । व॒ह॒तं । अ॒श्वि॒ना । यु॒वं । म॒धु॒ऽम॒त्या । नः । क॒श॒या । मि॒मि॒क्ष॒तं ।
 प्र । आ॒युः । ता॒रि॒ष्टं । निः । र॒पाँ॒सि । मृ॒क्ष॒तं । से॒ध॒तं । द्वे॒षः । भ॒व॒तं । स॒चा॒ऽभु॒वा ॥
 यु॒वं । ह । गर्भे । ज॒ग॒ती॒षु । ध॒त्थः । यु॒वं । वि॒श्वे॒षु । भु॒व॒ने॒षु । अ॒न्तः० ।
 यु॒वं । अ॒ग्निं । च । वृ॒ष॒णौ । अ॒पः । च । व॒न॒स्प॒ती॒न् । अ॒श्वि॒नौ । ऐ॒र॒ये॒थां ॥
 यु॒वं । ह । स्थः । भि॒ष॒जा । भे॒ष॒जे॒भिः । अ॒थो० । ह । स्थः । र॒थ्या । र॒थ्ये॒भिः० ।
 अ॒थो० । ह । क्ष॒त्रं । अ॒धि । ध॒त्थः । उ॒या । यः । वां । ह॒वि॒ष्मा॒न् । म॒न॒सा । द॒दा॒श ॥ २७ ॥ २ ॥

१५८

व॒सू० । रु॒द्रा । पु॒रु॒ऽम॒तू० । वृ॒ध॒न्ता । द॒श॒स्य॒तं । नः । वृ॒ष॒णौ । अ॒भि॒ष्टौ ।
 द॒क्षा । ह । यत् । रे॒क॒णः । औ॒च॒थ्यः । वां । प्र । यत् । स॒स्त्रा॒थे० । अ॒क॒वा॒भिः । ऊ॒ती ॥
 कः । वां । दा॒श॒त् । सु॒ऽम॒तये । चि॒त् । अ॒स्यै । व॒सू० । यत् । धे॒थे० । न॒म॒सा । प॒दे । गोः ।
 जि॒गृ॒तं । अ॒स्मे० । रे॒व॒तीः । पु॒र॒ऽधीः । का॒म॒प्रे॒ण॒ऽइ॒व । म॒न॒सा । च॒र॒ता ॥